



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

16. Luce abutentes, Dei Ince indignos esse.

**urn:nbn:de:hbz:466:1-45686**

*Iſraēl, lux erat. quod ingentis miraculi loco habendum est. Quippe Hebræi, in terra Gessen, cum Aegyptijs permixti indistinctè habitabant; erantque domus eorum vicinæ contiguæque domibus Aegyptiorum; vt intelligi potest, ex postibus, ad eas domos discriminandas, sanguine Agni illitis & noratis; ac cæde primogenitorum Aegypti, qui in domibus non signatis inueniebantur: itemq; ex ijs, quæ, sub discessum, commodatò ab Aegyptijs vicinis Iſraēlitæ acceperunt. In eadem igitur platea, h̄ic Iſraēlita, ibi Aegyptius; immo non è regione tantum, sed etiam proximè adsit in ædibus eodem sepe mūro fultis habitauerunt. Et tamen, cùm adeò prope, & in tam arcta permissione degerent, intra paucos passus, tantum fuit discriminè, vt, vbi cunque Hebræi essent, clarissima, lætissimaque luce fruerentur; vbi autem Aegyptij, quamvis Hebræi proximi, in densissimis, mœstissimisque tenebris versarentur, Dœ aëris densitatem, & siderum radios ita moderante, vt Hebræi filij lucis, lucidissimo lumine, ac sole amoenissimo gaudent; Aegyptij plusquam Cimmerijs tenebris inuoluti, mortuos, aut certè inter umbras, se esse arbitrarentur.*

Quid est hoc aliud, quām Deum bonis adesse, & à malis justissimè manum suam subducere? Tantane affectum quenquam hominem esse audacia, vt Domino suo toties rebellis fieret, & Dominum semper conniuere oportebat? Apud Romanos, teste Gellio, ignem à Elaminis Dialis domo nisi in sacrum efferriri jus non erat. Et canones Apostolorum vetant, de Christianorum oleo lucernas Iudeorum, aut Gentilium incendi. Sic enim habet Canon septuagesimus: *Si quis Christianus oleum tulerit ad sacra Gentilium, vel Synagogam Iudeorum, festis ipsorum diebus, aut lucernas accenderit, de societate pellatur.* Apud Phœdrum etiam indignissimè factum putatur, quando

*Lucernam fur accendit ex drâ Iouis,*

*Ipsumque compilavit, ad lumen suum.*

An non indignerur Deus, si de sole suo videat acceptam lucem conuerti, non solùm in usus profanissimos, sed etiam sacrilegos? an non meritò diem extinguat? facemque illam auferat, in Creatoris laudes, non in injurias conditum ac lucentem? An Pharao, cum asseclis suis, dignus erat, quem vel sol aspiceret? vel qui pu-

Ierem. 38.

rum diem ipse intuetur? Ieremiam Prophetam innocentissimum procères. Sedeciae regis permisso, in fossam regis filij demiserunt, in qua collo tenuis demersus est, in cœno, ut caput solum extaret. Et alii reges, à quibus offensi sunt, eos in carceres obscurissimos coniiciunt. Cur Deus Aegyptios tam praefractos in hanc Tæn-

Sapi. 17. 18.

riam caliginem non compiegisset, in qua, una catena tenebrarum omnes erant colligati: & longa noctis vinculis compediti tenebantur, in carcere, sine ferro reclusi? Enim uero potuit eos etiam mittere in tenebras exteriores; quemadmodum & Israëliticum populum suum duce perfudit. Qua de causa Psaltes regius Deum ita alloquitur:

Psalm. 17. 28.

Cum sancto sanctus eris: & cum viro innocentia innocens eris. Et cum electo electus eris: & cum peruerso peruerteris. Quoniam tu populum humilem saluum facies: & oculos superborum humiliabis. Quis haec ad animum suum admittens, non malit, pro Deo, quam contra Deum stare, & pugnare? pro quo ipse aer stat, & pugnant mundi elementa? Usque adeo non justè duntaxat aer intemperijs agitur; verum etiam ipsis nos intemperijs erudit, ut tales erga Creatorem simus, quales volumus erga nos esse alias creaturem.

## XVII.

Psal. 17. 31.

Et tamen sunt, qui malunt Aegyptios, quam Hebreos, Pharaonem, quam Moysen imitari, ita quidam profundè coeci sunt, & sensibus omnibus obtenebrati. Ad quas tenebras dispellendas, idem David orans ait: Domine Deus meus, illumina tenebras meas. Quæ vtique non erant tam dense, ut illæ Aegyptiorum, & tamen à viro salutis amante timabantur, in exemplum eorum, qui cum sint in rebus ad virtutem pertinentibus noctuæ, tamen se aquilis putant esse perspicaciore. Ad easdem hominibus fugiendas & detestandas, Aegyptiæ tenebra sedulò expensæ vtiles sunt. Nam ut illæ, teste Origene, significabant extremam Pharaonis & Aegyptiorum cæcitatem, qui tot percussi plagis, tot ieti prodigijs, totq; visis miraculis, nondum sapuerunt, neque Dei adhuc potentiam agnouerunt, ut voluntati imperioque eius se submitterent: ita sunt hodiéque multi, suâ malitiâ, Numinisque pœnâ adeo mente exoculati, ut tenebrae eorum, hoc est, inscientia grauis, errores phanatici, judicia falsa & peruersa, hæreses turbulentæ, tanquam nebula, palpari, & à quouis sano homine liquido reprehendi possint. Ita namque obscuratum est insipiens cor eorum, ut odia justitiam,

vindi-

Rom. 7.